

圖經義本草

圖經衍義本草卷之三

資三

圖經衍義本草卷之四

資四

上海圖書館藏五洲大藥房本

上海涵芬樓影印正統道藏本

圖書集成卷之三



圖經義本草

圖經義本草卷之三

資三

宋通直郎辨驗藥材寇宗奭編撰

宋太醫助教辨驗藥材許洪校正

玉石部中品


雄黃

階州水窟



階州

資三



雄黃味苦甘平寒大溫有毒主寒熱鼠瘻惡

瘡疽痔死肌療疥蟲蠃瘡目痛鼻中息肉及

絕筋破骨百節中大風積聚癰氣中惡腹痛

鬼疰殺精物惡鬼邪氣百蟲毒勝五兵殺諸

蛇虺毒解藜蘆毒悅澤人面鍊食之輕身神

圖經衍義本草

仙餌服之皆飛入人腦中勝鬼神延年益壽
保中不飢得銅可作金一名黃食石生武都
山谷燉煌山之陽採無時

圖經曰雄黃生武都山谷燉煌山之陽今
階州山中有之形塊如丹砂明徹不挾石
其色如雞冠者爲真有青黑色而堅者名
熏黃有形色似真而氣臭者名臭黃並不
入服食藥只可療瘡疥耳其臭以醋洗之
便可斷氣足以亂真用之尤宜細辨又階
州接西戎界出一種水窟雄黃生於山巖

中有水泉流處其石名青煙石白鮮石雄黃出其中其塊大者如胡桃小者如栗豆上有孔竅其色深紅而微紫體極輕虛而功用勝於常雄黃丹竈家尤所貴重或云雄黃金之苗也故南方近金坑冶處時或有之但不及西來者真好耳

資三

二

唐本注云出石門名石黃者亦是雄黃而通名黃食石而石門者最爲劣爾巖昌武都者爲佳塊方數寸明徹如雞冠或以爲枕服之辟惡其青黑堅者不入藥用若火

飛之而療瘡亦無嫌又云惡者名熏黃用
熏瘡疥故名之無別熏黃也正觀年中以
宕州新出有得方數尺者但重脆不可全
致之爾

日華子云雄黃微毒治疥癬風邪癰癤嵐
瘴一切蛇蟲犬獸傷咬久服不飢通赤亮
者爲上驗之可以協蟲死者爲真臭氣少
細嚼口中含湯不激辣者通用

雷公云凡使勿用黑雞黃自死黃夾膩黃
其臭黃真似雄黃只是臭不堪用時用以

醋洗之三兩度便無臭氣勿誤用也次有夾臙黃亦似雄黃其內一重黃一重石不堪用次有黑雞黃亦似雄黃如烏雞頭上冠也凡使要似鷓鴣鳥肝色爲上

抱朴子云雄黃當得武都山所出者純而

金三

三

無雜其赤如雞冠光明曄曄者乃可用耳其但純黃似雄黃色無光者不任作仙藥可以合理病藥耳

抱朴子又云餌之法或以蒸黃或以酒服或以消石化爲水乃凝之或以猪胴裹蒸

圖經衍義本草

之於赤土下或以粉脂和之或以三物鍊之引之如布白如冰服之皆令人長生百病除三尸下癥瘕滅白髮黑墮齒生千日玉女來侍可使鬼神

太平廣記劉無名成都人也志希延生謂古方草木之藥但愈疾得效見火輒爲灰燼自不能固豈有延生之力哉乃入霧中山嘗遇人教服雄黃凡三十餘年一旦有二人赤巾朱服徑詣其室劉問何人對曰我太山直事追攝子耳不知子以何術我

已三日冥期迫促而無計近子將欲陰符
譴責以稽延獲罪故見形相問劉曰余無
他術但真心至道不視聲利靜處幽山志
希度世而已二使曰子之黃光照灼於頂
迨高數尺得非雄黃之功乎

太上八帝玄變經小丹法用雄黃栢子拘
魂制魄方栢子細篩去滓松脂十斤以和
栢子雄黃各二斤色如赤李合藥臼中復
搗如蒸藥一日如餌正坐北向平旦頓服
五丸百日之後與神人交見

明皇雜錄有黃門奉使交廣回周顧謂曰
此人腹中有蛟龍上驚問黃門曰卿有疾
否曰臣馳馬大庾嶺時當大熱困且渴遂
飲水覺腹中堅痞如杯周遂以消石及雄
黃煮服之立吐一物長數寸大如指視之

寶三

鱗甲具投之水中俄頃長數尺復以苦酒
沃之如故以器覆之明日生一龍矣

唐書甄立言究習方書仕唐為太常丞有
道人心腹滿煩彌二歲立言詎曰腹有蠱
誤食髮而然令餌雄黃一劑少選吐一蛇

卷三第

如人小指惟無目燒之有髮氣乃愈

寶藏論雄黃若以草藥伏住者熟鍊成汁胎色不移若將制諸藥成汁并添得者上可服食中可點銅成金下可變銀成金

千金方治婦人始覺有妊養胎轉女爲男以一兩絳囊盛帶之。又方治耳聾以雄黃硫黃等分爲末綿裏塞耳中。又方治癥瘕積聚去三尸益氣延年却老以雄黃二兩細研爲末九度水飛過却入新淨竹筒中盛以蒸餅一塊塞筒口蒸七度用好

粉脂一兩爲丸如菜豆大日三服酒下七
丸十九三年後道成益力不飢玉女來侍
聖惠方治傷寒狐惑毒蝕下部皮外如蠶
痛痒不止以雄黃半兩先用甕子一箇口
稍大者內入灰上如裝香火將雄黃燒之

資三

五

候煙出當病處熏之

外臺秘要治骨蒸極熱以一兩和小便一
升研如粉乃取黃理石一枚方圓可一尺
以炭火燒之三食頃極熱灌雄黃汁於石
上恐大熱不可近宜著一片薄氈置石上

令患人脫衣坐石上冷停以衣被圍遶身
勿令藥氣泄出經三五度差

肘後方金瘡血內漏以雄黃末如大豆內
瘡中又服五錢匕血皆化爲水卒以小便
服之

經驗方治馬汗入肉雄黃白礬等分更用
烏梅三箇搥碎已豆一箇合研爲細末以
半錢匕油調傳患處

博濟方治遍身風二靈散雄黃細辛等分
研令細每服分作兩下左邊疼嗅入右鼻

圖經衍義本草

右邊疼嗅入左鼻立效

續十全方治纏喉風雄黃一塊新汲水磨急灌吐下差

集驗方治卒魘雄黃搗爲末細篩以管吹入鼻孔中

傷寒類要治小腹痛滿不得小便及療天行病雄黃細研蜜丸如棗核內溺孔中又方殺齒蟲以末如棗塞牙間

衍義曰雄黃非金苗今有金苗今有窟處無雄黃金條中言金之所生處處皆有雄

黃豈處處皆得也別法治蛇咬焚之熏蛇
遠去又武都者鐫磨成物形終不免其臭
唐甄立言仕太常丞有道人病心腹懣煩
彌二歲診曰腹有蠱誤食髮而然令餌雄
黃一劑少選吐一蛇如拇指無目燒之有
髮氣乃愈此殺毒蟲之驗也

黃三

六

食鹽

海鹽

